

"ANTILOTS", LOTSAREN AURKAKO KREMA

Itzalita daukazu
zure **begirada?**
Ez duzu atera nahi
herriko **plazara?**
Kendu zazu estaltzen
zaituen **izara!**
"ANTILOTS" behar duzu
ohartuko **zara:**
zure lotsa guztien
konponbidea **da!**

Ez dizkizu kenduko
kolpez hamar **urte**
baina krema berri hau
beharko **zenuke:**
aurpegian igurzten
baldin **badizute**
azala gogortzen du
hiru xoxen **truke**
telebistatik ere
iragartzen **dute!**

"ANTILOTS" krema emanda
diogun **antzera**
ailegatuko zara
lotsak **uxatzera**
zure akats guztiak
disimulatzera.
Are gehiago, haiek
dohain **bihurtzera:**
bertsolari onenen
sekretua **hauxe da!**



Doinua:

**Antton eta Maria I
Hamarreko txikia**

LUJANBIO LOGOPEDIA-ZERBITZUA

"R" simple ta erraz bat
al daukazu **hiztegia?**
Ardi bat gehiago al zara
artaldearen **erdian?**
Zuk ahoskera espezial bat
nahiko zenuke **agian...**
eska ezazu lehenbailehen txanda
LUJANBIO LOGOPEDIAN!



Doinua:

**Sorlekua utziz geroz
Neurri berezia**